

准儉電奉 旨嚴拿逆匪孫汝等因欽此查孫汝上年曾到日本演

說一次後因日本禁阻遂往南洋各島嗣諸傳私來上海蕪湖一次

查無影響數月前諸傳德商瑞記洋行私買軍火三百箱接濟沿江

土匪獲派員日夜嚴查並飭各關道與稅司密防實未見有此事前

因風一甚重獲電派已革總兵李定明巡緝長江一帶上至漢口下

至上海無處不有坐探無日不有行探並時與鄂皖贛蘇各督撫長

江提督程文炳密籌防範間有拿獲會票各匪皆係散票圖利之蠢

人從未供有孫汝黨羽在內均經隨時訊明分別懲辦至營兵學堂

學生勾匪一節前有此語聞係從日本留學生傳來俱經嚴密搜查

實無形跡新練徵兵皆有室家有人豈肯為匪舊營勇丁難保無

一二當過會匪之徒此本湘軍哥老會舊習近年嚴整營規匪類不

敢托迹從無犯案至學堂間有年輕喜事好發議論者無非意圖立

憲自強絕無排滿革命自由一切謬論至私買軍火之事如租界洋

行私售短洋槍械難保其必無若長槍砲體彈藥等件照章非有督

撫護照不准進口至今遵行唯謹正經洋商從無犯案惟恐有奸商

夾于他貨之中不可不慮現與滬道等商定嚴查之法前曾咨請外

務部飭赫德安訂章程現准稅務大臣咨復已飭赫德轉飭各關稅

司嚴查違者充公觀已通飭南洋各關嚴密搜查總使槍砲不得私

運進口嚴拿會匪無從聯合孫汝黨羽自無從煽惑現擬緝匪重

辦章程俟議定即具奏按照現在辦法察看情形孫汝斷不敢在長

北京英使署人員赴山東謁孔陵 ○西歷

十一月十二號北京電云英國使署參贊嘉納德學生白列能日前

赴山東謁謁孔陵由衍聖公設筵款待已於禮拜五回京譯文匯報

俄人籠絡華官 ○大阪每日新聞云現曾在滿洲之

俄國各官極力設法籠絡長春知府某氏以多數之金錢贈之云

旌德縣視學務撤任 ○皖省藩學兩司

日前會詳皖撫因旌德縣土令家不勤捐不力玩視學務請予撤辦

茲奉批示云據詳據寧國府知府高守稟揭旌德土令勸捐不力玩

視學務于本府勸捐中學堂一案經該府迭札飭催先則空文中覆

嗣僅捐洋二元遲延玩侮請予嚴懲查該縣到任許久于學務漫不

經心本年四月甫報開學僅招生二十四名復續稟暑假以後招致

為難似原有學堂又復解散而該縣不日籌辦而日旌邑兵燹流亡

所存皆農工之輩始以籌款為難茲更招生不易等語巧辭飾說其

玩視學務已可槩見不謂該府飭令籌捐久之僅以兩元搪塞實屬

有心玩侮著即撤任仰布政司註冊留省察看再行核辦(士)

蘇垣設立新籌款所 ○蘇省自今春奏設籌

款所後尚未籌有的款袁幹卿觀察到蘇後即上籌辦地方稅條陳

陳發石中丞深韙其言以觀察赴北洋考查軍政飭署藩司朱方伯

督同原擬條陳之應撥臣顧春先兩大令詳細條議計十六節一百

二十八條內容宏富聞現已奉陳中丞核准札委兩大令為坐辦員

452